

DECANVS
 ORDINIS ICTORVM IN PERANTIOVA ELECTO-
 RALI ACADEMIA ERFVRTENSI,
**D. RVD. CHRISTOPH.
 HENNE, ICTVS**

EMINENTISSIMI AC CELSISSIMI PRINCIPIS ELECTORIS MOGVN-
 TINI CONSILIARIVS REGIMINIS, PRAEDICTI ORDINIS ET
 IVDICII PROVINCIALIS ADSESSOR, NEC NON CODICIS
 ET IVRIS FEVDALIS P. P. O.

SOLEMNIA INAVGVRALIA

NOBILISSIMI ET CLARISSIMI IVRIVM CANDIDATI

**DN. ERNESTI AVGVSTI
 ZIEGLER,**

ERFVRTENSIS,

CAVSARVM TVTELARIVM PRAEFECTI ET ORDINIS SENATORII
 MEMBRI,


DIE XXI. APR. MDCCLXXVII.

IN AVDITORIO IVRIDICO COLLEGII ANSELMINI
 PERAGENDA,

I N D I C I T ,

SIMVLOVE NONNVLLA DE VENIA POENARVM
 IN DELICTA STATVTARVM,

PRAEMITTIT.



ERFORDIAE
 LITERIS HENRICI RVDOLPHI NONNII
 ACADEMIAE A TYPIS.

DEINUS
D. RVD. CHRISTOPH.
HINNE. ACTVS
SOLIMANIA REAVGALIA
D. RVD. ERNESTI AVGVSTI
XIPOLER
IN DELICATA TAME





§. I.

Illorum, qui delictis se commacularunt, non postrema solet esse cura, ut incommoda inde provenientia quovis avertant modo, eumque in finem variis uti solent consiliis, ad hunc finem consequendum & veniam impetrandam conducentibus, inter quæ non ultimum locum transactio sibi vindicare videtur, ita, ut ea cum parte læsa vel denuntiante inita, quoad crimen capitale, eum producat effectum, ut transigens pro confessio & convicto haberi quidem nequeat, cum sanguinem suum quovis modo redimere liceat *a)* nihilominus tamen iudex ratione interesse publici, pœnam infligere possit publicam, recte aduertente CARPZOVIO. *b)*

a) l. 1. ff. de bonis eor.

b) in praxi crim. quæst. 148. n. 2.

§. II.



§. II.

Quod attinet delicta publica non capitalia, transactio plane nullum quoad pœnam tollendam vel minuendam, producit effectum, utpote quæ non solum pro interdicta habetur, *a)* sed etiam transigens infamiam sibi exinde contrahit, *b)* & pro confesso habetur, quam etiam pœnam hodierna seruat praxis teste STRYCKIO. *c)*

a) l. 5. ff. de his qui not. infam.

b) l. 4. §. ult. ff. de his qui not. infam.

c) in vñu moderno ff. lib. 2. tit. 15. §. 19.

§. III.

Quantum spectat ad delicta privata, transactio quidem actionem ex delicto descendente aufert *a)* hac tamen ablatione non obstante, transigens eodem modo, ac si sententia condemnatoria in eum fuerit prolata, infamis fit, *b)* quæ tamen non impediunt, quo minus in delictis non adeo atrocibus, transigens, indemnem seruans partem læsam, mitiorem pœnam sibi conciliet, quod præsertim in furto non qualificato sibi locum vindicat, animadvertentibus CARPZOVIO *c)* & BRUNNEMANNO. *d)*

a) l. 17. §. 1. ff. de partis.

b) l. 4. §. ult. ff. de his qui not. infam.

c) in praxi crim. quest. 25. n. 28.

d) in proc. inquis. cap. 9. n. 48.

§. IV.

§. IV.

Nonnulli etiam Icti hoc in casu auctores sunt Reis ut cum iudice pœnæ evitandæ causa transactionem incant, quorum partes tumentur GAILIVS, a) CARPZOVIUS b) & STRUVIUS c) in alia omnia & quidem rectissime sentiunt SCHILTERVS, d) STRYCKIUS e) & BERGERVS f) notam dicentes his Ictis, & transactionem hanc pro re pessimi exempli habentes, cum manifeste eiusmodi transactione aduersa sit officio iudicis & regulis iustitiæ, iudicem, ut illis satisfaciatur, adstringentibus.

a) lib 1. obs. 103. n. 2. 3.

b) quaest. 14. n. 87.

c) Exerc. ad ff. 6. thes. 62.

d) Exerc. ad ff. 9. thes. 28.

e) in vsu moderno ff. lib. 2. thes. 15. §. 20.

f) in œconomia iuris lib. 3. tit. 15. §. 16. not. 7.

§. V.

Rectius vero sibi consulunt, qui veniam delictorum in votis habentes, iusuper habita transactione ad abolitionum vel aggrationum præsidia confugiunt, quæ in eo conueniunt, quod tam abolitio quam aggratiatio hodie a principe sit impetranda, & ex iusta causa concedenda, in eo autem differunt, quod posterior condemnatoriam supponat sententiam, prior autem crimen nondum probatum requirat, iusuper vtraque nostris moribus ex capite gratiæ profiscitur, vtrut in dubium vocari non possit, abo-

6

litiones iurè Romano solum iudicem, etiam principe non consen-
siente, concedere potuisse, a)

a) l. 2. C. de abolit.

§. VI.

Quod effectum abolitionis & aggratiationis nunc attinet, per
vtramque facinus imputatum plene exstinguitur, nulla amplius
locum habente inquisitione, nulla manente infamia, ita, vt nec
tertius accusandi facultatem sibi vltius arrogare possit, ex quo
etiam pronò fuit alueo, si quis pendente inquisitione ab officio
suspensus fuit, illum pristinae dignitati restituendum esse, omnia-
que cessare debere incommoda, quae inquisitio alias post se relin-
quere solet. Plura de hoc argumento ex cathedra publica occa-
sione l. 2. C. de abolit. persecutus est ille, qui mihi hanc pagi-
nam fecit, nimirum

NOBILISSIMVS ET CLARISSIMVS
Dn. ERNESTVS AVGVSTVS ZIEGLER,


CAVSARVM TVTELARIVM PRAEFECTVS ET ORDINIS SENATORII
MEMBRVM,

IVRIVM CANDIDATVS PRAESTANTISSIMVS

de cuius natalibus & studiis sequentia ex propriis, quibus vsus
est verbis, nobis recensenda sunt:

Ego

Ego Ernestus Augustus Ziegler per summi Numinis gratiam primum adspexi lumen Erfordiae Ao. 1752. die XVI. Mart. Ibiq; Patrem optimum IOANNEM ERNESTVM GVILIELMVM ZIEGLERVM, I. V. D. Iudicii Prouincialis Ciuilis & Criminalis Electoralis, quod Erfordiae est, Afessore Primarium & Seniore vix agnosco: Euasit iam iam ad beatas sedes Mater mea illa beata MARIA BARBARA IACOBINA, nata FUCH, filia illustris experientissimi nec non doctissimi FUCH, Ducum Gothani, Vinariensis & Henacensis Consiliarii aulici, quondam Professoris in hac Vniuersitate longe celeberrimi, & Facultat. Med. Senioris. Vix primis meae infantiae annis praeterlapsis, Patris cura in eo versata est omnis, ut tam latinarum literarum, quam liberalium disciplinarum fundamenta in schola, quam vocant Praedicatorum, ponerentur. Hinc aliquot annis peractis, Halam Saxonum, ibique ad Pedagogium Regium florentissimum profectus sum. Me ibi per septem annos commoratum ac publice promotum reuocauit Pater 1771. ad Hieranam nostram, in qua Rectore Magnifico HENNIO in numerum Studiosorum receptus sum. Nec in ea intermisi frequentare lectiones Celeberrimorum ac Doctissimorum Virorum, nec non Consultissimorum & Amplissimorum, TURIN, cui nuper defuncto leuem sine pondere terram precor, HENNII, SPRINGERI, HADELICHII, WEISSMANTELII, LOSSII, WILANDI. Ibi per duos annos ita commoratus, ad Ienenses Musas me contuli, atque in hac Vniuersitate literarum florentissima Rectore Magnifico ZICKLERO in album ciuium academicorum relatus sum. Hic magna cum voluptate atque fructu haud paruo interfui scholis frequentissimis Virorum Illustrium HELLFELDI, SCHMIDII, OELZII, de SCHELWITZ, SCHEIDEMANTELII, REICHARDTI. Tandem redii 1776. in
patiam



patriam optatissimam & postquam ibi vigilantia cura academias repetitū doctrinas, ante annum & quod excurrit me dedi causarum forensium experimentis apud Dn. IUSTI Aduocatū celeberrimū percipiendis. Et nunc quidem contigit mihi ex speciali gratia atque favore vcrsari in Tutelari Iudicio, quod Erfordiae est.

omnibus igitur hisce rite peractis, ordinem nostrum candidatus Noster dignissimus adiit, & literis consuetis desiderium suum nobis exponendo, petit, ad summos vtriusque Iuris honores admitti, eumque in finem diem textibus resoluendis & examini rigoroso instituendo praestigi, illius igitur desiderio honesto annuentes, leges sibi praescriptas accurate interpretando, & ad quaestiones propositas docte respondendo, nostrae expectationi ita fatisfecit, ut vnanimi calculo ipsi, praestitis reliquis specimenibus, desiderati honores ex merito decreti fuerint, quem in finem futuro die Mercurii lectionem habebit cursoriam ad l. 2. C. de abolit. ac deinde inauguralem suam Dissertationem,

DE
MODO FINIENDI AETATIS CVRAM, PER VENIAE
IMPETRATIONEM,

me Praeside masculae defender, cui actui solemnī debito modo co-honestando, ut praesentiam suam commodare velint, Reuerendissimus ac Perillustrius Academiae Rector Magnificus, Perillustres Barones, nec non Proceres & Ciues Academici submisit, officiose, & quo fieri potest, affectu, rogantur & inuitantur. Publ. sub Sigillo Facultatis Iuridicae Dominica Tubilate MDCCLXXVII.

(L.S.)

ULB Halle
007 368 429


3



v. 78







DECANVS
ORDINIS ICTORVM IN PERANTIOVA ELECTO-
RALI ACADEMIA ERFVRTENSI,
**D. RVD. CHRISTOPH.
HENNE, ICTVS**

EMINENTISSIMI AC CELSISSIMI PRINCIPIS ELECTORIS MOGVN-
TINI CONSILIARIVS REGIMINIS, PRAEDICTI ORDINIS ET
IVDICII PROVINCIALIS ADSESSOR, NEC NON CODICIS
ET IVRIS FEVDALIS P. P. O.

SOLEMNIA INAVGVRALIA
NOBILISSIMI ET CLARISSIMI IVRIVM CANDIDATI

**DN. ERNESTI AVGVSTI
ZIEGLER,**

ERFVRTENSIS,
CAVSARVM TVTELARIVM PRAEPECTI ET ORDINIS SENATORII
MEMBRI,

DIE XXI. APR. MDCCLXXVII.
IN AVDITORIO IVRIDICO COLLEGII ANSELMINI
PERAGENDA,
I N D I C I T,

SIMVLOVE NONNVLLA DE VENIA POENARVM
IN DELICTA STATVTARVM,

PRÆMITTIT.

ERFORDIAE
LITERIS HENRICI RVDOLPHI NONNII
ACADEMIAE A TYPIS.